

иргъни гьамадбиахъес багъандан, учительли къант1-къант1си ихтилат дураберк1нила гъуйчил.

Лирикала ва эпосла далуйти, назмурти яра дишт1лати поэмаби,цадех1лизирад цадех1 декларти дини багъандан, илди дуч1нила тях1ярра деклар-декларси бируси саби.

Драмала произведениеби класслизир дуч1ух1ели, бутлакъянчибала хасият-тлабиг1ятличи ва илдала баркъудлумачи пикри бях1чаэс, илдала гъайла хасдешуни х1ясибдирес чебиркур.

Даргала литературала программали т1лалаббириули саби произведениеби дуч1ниличил дарх белк1ла ва мух1лилах1янчурби дурадурк1нира, гъар класслис илдала къадарра белгибарибси саби.

Руркъуси темалис чедаахъибти сяг1ятуни имц1али яра камли диалли, учительла пикри х1ясибли, илди дарсдарес виар.

5-11 ибти классуназиб программала бек1либиубси бутла даргала литератураличила саби. Дагъиста миллатунала литературара лерилра классуназиб гибси саби. Илала къадар ишгъуна саби; 5-9 ибти классуназиб – авал бут1ала ца бут1а, 10-11 ибти классуназиб – авал бут1ала х1ябал бут1а.

Программали гъарил темалис г1ергъи чула чузи делч1ахъес маслиг1ятдирути произведениебира чедахъили сари.

5-11 ибти классуназир классла дуар делч1ахъес маслиг1ятдарибти произведениебира дер. Илдани дурх1нала багъудлуми мурхъдик1ахъу ва имц1адик1ахъу. Учительли библиотекала имканти ва сунела пикри х1исаблизиди касили, программали чедаахъибти произведениеби имц1а-камдарес виар. Илдигъунти дурсрачир дарган мезличил дурадулхъути журналти ва газетаби х1ердирути сари.

Учительли кумекли дихъес программали чебаъла ваях1 ва ТСО- личи белч1удила г1яг1ниахълуми, г1илмула ва методикала лиература, буч1антала литературала шайчиртибагъудлуми ва бурсидешуникъиматладирнила нормаби чедаахъили сари.